

# ԱՆԱՅԻՏ ԲՈՍՏԱՆԶՅԱՆ

Վիրահայ գրականությունը եւ ժուռնալիստիկան ծանր կորուստ կրեցին: 67 տարեկան հասակում Թբիլիսիում վախճանվեց Վրաստանի գրողների միության հայկական մասնաճյուղի նախագահ, «Կամուրջ» գրական-մշակութային ԶԿ գլխավոր խմբագիր, «Վրաստան» թերթի լրագրող եւ Բաժանորդագրության ու առաքման ծառայության ղեկավար Անահիտ Բոստանջյանը:

Անահիտ Բոստանջյանը ծնվել է 1949թ. սեպտեմբերի 10-ին, Թբիլիսիում, Ներսիսյան դպրոցի մոտակայքում գտնվող «Ավանթիստիկան» կոչվող թաղամասում: Սովորել եւ ունեւնեցելով ավարտել է հենց այդ թաղամասում այն ժամանակ գործող Զովի.Թումանյանի անվան թիվ 34 դպրոցը: 1972 թվականին, ավարտելով Գյումրիի Մ.Նալբանդյանի անվան մանկավարժական ինստիտուտի հայոց լեզվի եւ գրականության ֆակուլտետը, երեք տարի դասավանդել է Կալինինյան (այժմ՝ Տաշիր) շրջանի Ղարաբիլիսա գյուղում:

1975 թվականին վերադարձել է Թբիլիսի, աշխատանքի անցել Վրաստանի գրողների միության «Մերանի» հրատարակչության հայկական բաժանմունքում՝ սկսելով որպես սրբագրիչ, ապա աշխատած 30 տարիների ընթացքում հասել այդ բաժանմունքի ղեկավարի պաշտոնին: Աշխատելով հրատարակչությունում՝ ակտիվորեն մասնակցում էր նաեւ այդտեղ հրատարակվող «Կամուրջ» տարեգրքի լույսընծայմանը, որի խմբագիրը դարձավ արդեն 2003 թվականից:

2007 թվականից Անահիտ Բոստանջյանը հիմնեց եւ գլխավորեց «Կամուրջ» գրական-մշակութային հասարակական կազմակերպությունը՝ միաժամանակ հանդիսանալով Հայաստանում Օքրո Օքրոյանի անվան «Աստված սեր է» գրական հիմնադրամի վրաստանյան ներկայացուցիչը: Անահիտ Բոստանջյանը Թբիլիսիի «Հայարտան» խորհրդի անդամ էր, Վրաստանի եւ Հայաստանի գրողների միությունների անդամ, Կալինինյանի Հայ գրողների միության պատվավոր անդամ: Նա հիմնեց եւ գլխավորեց «Շեն» երիտասարդական գրական ակումբը:

1994 թվականից մինչեւ իր կյանքի վերջը աշխատում էր «Վրաստան» թերթի խմբագրությունում՝ որպես լրագրող, հատուկ թղթակից, ապա՝ առաքման ծառայության ղեկավար: Թերթի էջերում պարբերաբար էին հայտնվում նրա ակնարկները, քննադատական հոդվածները եւ, իհարկե, բանաստեղծությունները...

Իր գրական գրեթե քառասնամյա գործունեության ընթացքում Անահիտ Բոստանջյանը հեղինակել է տարբեր ժանրերի շուրջ երեք տասնյակ գրքեր եւ 10 բանաստեղծություն:

## ԱՆՄԱՀՈՒԹՅԱՆ ՃԱՄԺԻՆ ԿԱՆԳՆԱԾ ՄՏԱՎՈՐԱԿԱՆԸ

Վիրահայոց թեմի հոգեւոր դասի, պաշտոնեության եւ հավատացյալների անունից մեր ցավակցությունն ու զորակցությունն ենք հայտնում սգակիր Բոստանջյան ընտանիքին՝ Մարինային եւ Գայանեին, սիրասուն մայրիկի վաղաժամ կորստի համար: Մեր վշտակցությունն ենք հայտնում «Վրաստան» թերթի աշխատակազմին, ում հետ տասնամյակներ շարունակ ձեռք-ձեռքի աշխատել է տիկին Անահիտը՝ մաշտոցյան մեր լեզվի պահպանման սուրբ գործին զինվորագրված մարտիկի պես: Ցավակցում ենք «Կամուրջ» գրական-հասարակական կազմակերպության շուրջ համախմբված գործիչներին՝ Վրաստանում, Հայաստանում եւ Սփյուռքում: Մեր վշտակցությունն ենք հայտնում նաեւ Վրաստանի եւ Հայաստանի գրողների միություններին, բանաստեղծներին եւ թարգմանիչներին, ովքեր հայ ընթերցողին են ներկայացել Անահիտ Բոստանջյանի թարգմանությամբ, ովքեր թարգմանել են նրա



վրացերեն, ռուսերեն, անգլերեն, պարսկերեն լեզուներով:

Անահիտ Բոստանջյանի բազմակողմանի ու բեղմնավոր գրական վաստակը բարձր է գնահատվել ինչպես Վրաստանում, այնպես էլ՝ Հայաստանում: Նա արժանացել է Վրաստանի «Պատվո շքանշանի» (2000թ.), Հայաստանի մշակույթի նախարարության «Ոսկե մեդալի» (2008թ.), Հայաստանի «Մովսես Խորենացի» մեդալի (2011թ.), Հայաստանի սփյուռքի նախարարության «Ոսկե մեդալի» (2014թ.), Մխիթարյան միաբանության «Հակոբ Մեղապարտ» մեդալի (2014թ.), Հայաստանի գրողների միության «Գրական վաստակի համար» մեդալի (2006թ.): Արժանացել է Վաժա Փշավելայի (2007թ.), Նիկո Նիկոլաձեի (2014թ.), Աննա Կալանդաձեի (2015թ.), «Նարցիս» հանդեսի (2012թ.) գրական մրցանակներին, Մայր Աթոռ Սուրբ Էջմիածնի եւ Հայաստանի գրողների միության համատեղ «Կանթեղ» թարգմանական մրցանակի:

2010 թվականին նա արժանացել է նաեւ Վրաստանի մայրաքաղաք Թբիլիսիի քաղաքապետարանի «Մշակույթի դեսպանի» կոչմանը:

Ճանաչված ու սիրված գրողի, թարգմանչի, հրատարակչի, հայ եւ վրաց ժողովուրդների բարեկամության անխնայ մշակի ու ջատագովի հիշատակը միշտ վառ կմնա նրա ընթերցողների, գործընկերների, նրան ճանաչողների, մտերիմների սրտերում:

**ՎՐԱՍՏԱՆԻ ԳՐՈՂՆԵՐԻ ՄԻՈՒԹՅՈՒՆ  
ՀԱՅԱՍՏԱՆԻ ԳՐՈՂՆԵՐԻ ՄԻՈՒԹՅՈՒՆ  
«ՎՐԱՍՏԱՆ» ԹԵՐԹԻ ԽՄԲԱԳՐՈՒԹՅՈՒՆ**

## ԾԱՆՐ ԵՎ ԱՆԺՈՒՍԱՐԻՆԵԼԻ ԿՈՐՈՒՄՏ

Սա ծանր ու անփոխարինելի կորուստ էր հայ-վրացական գրական հարաբերությունների մերօրյա ճանապարհին: Մոտ անցյալի՝ 90-ական թվականների մեզ հայտնի խզման եւ օտարացման սառնաշունչ մթնոլորտում, Անահիտ Բոստանջյանը, մեր օրերի մտավորական աշխարհի եզակիներից մեկը դառնալով, իր ստեղծագործական ու մարդկային ջանքերով, վերածնեց հայ-վրաց ժողովուրդների ընդհատված գրական փոխկապերը: Մեծ էր այդ քայլի նշանակությունը՝ մեր ազգերի մերձեցման իմաստով նաեւ: Իր թարգմանական գործունեությամբ, որ ներառավ առանձնապես վրաց դասական ու ժամանակակից արձակ, նոր աստիճանի հասցրեց երկու ժողովուրդների հոգեւոր փոխճանաչումը: Մենք բոլորս զգացինք մշակույթների մերձեցման թարմ եւ բարի շունչը, որ Անահիտը բերեց, անշուշտ, Վրաստանի ու Հայաստանի գրողների միության նախագահներ Մաղվալ Գոնաշվիլու եւ լուսահոգ Լետո Անանյանի պատրաստական աջակցությամբ:

Խորին ցավ ու վշտակցությունն են հղում նրա ընտանիքին եւ զավակներին՝ Մարինն ու Գայանե դուստրերին:

**ԳԻՎԻ ՀԱՅԱՍՏԱՆԻ  
բանաստեղծ, թարգմանիչ**

## ՆԱ ՀԱՅ-ՎՐԱՑԱԿԱՆ ԳՐԱԿԱՆ ԿԱՊԵՐԻ ՄԱՅՈՒՆ ԽՈՐՀՐԴԱՆԻՇՆ ԷՐ

Ստեղծագործական բուռն շրջանում ընդհատվեց վիրահայ բանաստեղծուհի, թարգմանիչ, խմբագիր, լրագրող, հրապարակախոս, հայագետ եւ հայասեր, իսկական մտավորական Անահիտ Բոստանջյանի կյանքը: Վրաստանի հայ համայնքը կորցրեց իր լավագույն զավակներից մեկին, Հայաստանը՝ ազգի ու մայրենիի պաշտպանին, սփյուռքը՝ տաղանդավոր ստեղծագործողին եւ հայապահպանության նվիրյալին: Անահիտ Բոստանջյանն իր ապրած կյանքով, թողած գրական ժառանգությամբ, բնականության երկրի օրինակելի քաղաքացի լինելու, մարդկանց, անցյալի եւ ապագայի, հնի ու նորի, հայի եւ վրացու, Հայաստանի եւ Վրաստանի միջեւ դարձավ կենդանի «Կամուրջ»: Հայ եւ վրաց գրականության ու մշակույթի մեծագույն կրող Անահիտ Բոստանջյանի հեղինակած գողտրիկ բանաստեղծությունները, անզուգական թարգմանությունները, «Կամուրջ» գրական ժողովածուն հայ-վրացական գրական կապերի եւ երբայր ժողովուրդների բարեկամության մնայուն խորհրդանիշներն են:

Տաղանդաշատ եւ եռանդուն հայուհին, ՀՀ սփյուռքի նախարարության մշտական գործընկերն ու աջակիցը, կյանքից հեռացավ հանկարծակի՝ թողնելով գրական հարուստ ժառանգություն, բարի հիշատակ եւ լուսավոր ժպիտ նրան ճանաչող բոլոր մարդկանց սրտերում:

Մեր անկեղծ ցավակցությունն ենք հայտնում Վրաստանի գրական հասարակությանը, հայ համայնքին, կիսում նրա զավակների, հարազատների անամոք վիշտը, մաղթում ենք համբերություն՝ այդ մեծ կորստին դիմակայելու համար:

**ՀՐԱՆՈՒՇ ՀԱՎՈՐՅԱՆ  
Հայաստանի սփյուռքի նախարար**

## ՎԻՐԱՍՏԱՅ ՀԱՄԱՅՆՔԻ ԱՄԵՆԱՀԱՆՐԱՅԱՅՏ, ԱՄԵՆԱՏԱՂԱՆՂԱՎՈՐ ԵՎ ԱՄԵՆԱՎԱՌ ԴԵՄՔԵՐԻՅՈՒՄԵՆ

Մեծ ցավով եմ ընկալել Անահիտ Բոստանջյանի հանկարծանալի լինելու գույժը:

Տիկին Անահիտը, անշուշտ, եղել է Վրաստանի հայ համայնքի ամենահանրահայտ, ամենատաղանդավոր եւ ամենավառ դեմքերից մեկը: Նրա քնարերգական բանաստեղծությունները, նմուշային թարգմանությունները, բոցավառ արտասանություններն ու հրապարակախոսությունները ամուսնաբեր էին թողնում ունկնդրողներին եւ ընթերցողներին:

Ինձ՝ որպես Վրաստանում Հայաստանի դեսպանի համար հատկապես արժեքավոր էր նրա հասարակական գործունեությունը, որի առյուծի բաժինը նվիրված էր հայ եւ վրաց ժողովուրդների միջեւ բարեկամության ու սիրո ամրապնդմանը, իսկ ստեղծագործական մասով՝ մեր երկու ազգերի գրականությունների մերձեցմանը:

Հայ եւ վրաց ժողովուրդների միջեւ բարեկամության «կամուրջ» կառուցման գործում Անահիտ Բոստանջյանի ներդրումը արժանվույնս է գնահատվել թե՛ Հայաստանի, թե՛ Վրաստանի կողմից, որի վկայությունն են նրան շնորհված Վրաստանի «Պատվո նշան» եւ ՀՀ «Մովսես Խորենացի» շքանշանները:

Իմ խորը ցավակցությունն եմ հայտնում տիկին Անահիտի հարազատներին, մտերիմներին եւ ընթերցողներին ու նրանց հետ միասին սգում վիրահայ համայնքի պատվավոր անդամի վաղաժամ մահը:

**ՅՈՒՐԻ ՎԱՐԴԱՆՅԱՆ**

*Վրաստանում Հայաստանի արտակարգ եւ լիազոր դեսպան*

## ՆՐԱ ՇՆՈՐՀԻՎ ՀԱՅ ԸՆԹԵՐՑՈՂԸ ԾԱՆՈԹԱՅԱՎ ՎՐԱՅ ԳՐՈՂՆԵՐԻ ԳՈՐԾԵՐԻՆ

Վրաստանի մշակույթի եւ հուշարձանների պաշտպանության նախարարությունը խոր վշտով հայտնում է, որ վախճանվել է բանաստեղծուհի եւ թարգմանչուհի Անահիտ Բոստանջյանը:

Անահիտ Բոստանջյանի խմբագրությամբ, «Մերանի» հրատարակչությունում, որտեղ նա աշխատում էր որպես հայկական բաժնի խմբագիր, 30 տարվա ընթացքում հրատարակվել է ավելի քան 500 գիրք: Վրացերենից, ինչպես դասական, այնպես էլ՝ արդի վրաց գրողների, թարգմանվել է ավելի քան 25 գիրք: Նրա շնորհիվ հայ ընթերցողները ծանոթացան Վաժա Փշավելայի, Գրիգոր Ռոբաքիձեի, նաեւ Թամազ եւ Օթար Գիլաձեների, Արչիլ Սուլակաուրու եւ մյուս հեղինակների գործերին:

Անահիտ Բոստանջյանը հանդիսանում էր չորս մենագրության եւ աֆորիզմների ժողովածուների հեղինակ: Նաեւ հրապարակել է բանաստեղծությունների ժողովածուներ: Նրա կողմից թարգմանված Օթար Գիլաձեի «Գողթին» երեսնում ներառվեց գլուխգործոցների ցուցակում:

Անահիտ Բոստանջյանը արժանացել է Վաժա Փշավելայի, Աննա Կալանդաձեի եւ Նիկո Նիկոլաձեի անվան գրական մրցանակներին: Նաեւ եղել է Վրաստանի Պատվո շքանշանի ասպետ:

Նախարարությունն իր ցավակցությունն է հայտնում հանգուցյալի ընտանիքին ու նրա ստեղծագործության երկրպագուներին:

*Վրաստանի մշակույթի նախարարություն*

## ԱՆՄԱՀՈՒԹՅԱՆ ՃԱՄԹԻՆ ԿԱՆԳԵԱԾ ՄՏԱՎՈՐԱԿԱՆԸ

(Սկիզբը՝ 4-րդ էջում)

մուրջը մեկ անսասան հենասյուն էլ ունեցավ, եւ բարեկամական այդ Կամուրջին ոտք դնող ամեն ոք այսուհետ կասի. Ողորմիր, Աստված, խաղաղության, բարեկամության դեսպաններին, Անահիտ Բոստանջյանին: Մեր արտերում մշտապես կապրի տիկին Անահիտի հիշատակը...

Աղոթում ենք, որ մեր Հայրերի Աստված երկնային արքայության լուսավոր խորաններում ընդունի նրա հոգին եւ Սուրբ Հոգու մխիթարությունը լինի նրա ընտանիքին ու հարազատներին, բարեկամներին ու ընկերներին: Կորստյան այս ծանր ու դժվարին պահին ամենքս Ձեր կողքին ենք՝ մեր սիրով, քաջալերանքով եւ գոտեպնդման բարի խոսքերով:

**ՏԵՐ ՎԱԶԳԵՆ ԵՊԻՍԿՈՊՈՍ  
ՄԻՐԶԱԽԱՆՅԱՆ  
ՍՈՍԱՆՈՐԴ ՎԻՐԱՅԱՅՈՑ ԹԵՍԻ**

Նա վիրահայ գրականության ստեղծողների եւ գրական հոսանքի կազմակերպիչների լուսավոր ծիրում էր 1975-ից այսդին ավելի քան քառասուն տարի: Եվ 1986-ին լույս տեսած «Եթե իմանայիր» բանաստեղծական գոլտրիկ ժողովածուից մինչեւ 2016-ին Մոսկվայում թարգմանաբար հրապարակ եկած «Երբ հոգին երգում է ու լալիս» ռուսերեն քերթվածքների ժողովածուի երեսնամյա ժամանակահատվածում կյանքով հորդուն ու առեցուն շուրջ 30 արժեքավոր գրքեր են սեփական, թարգմանված՝ վրացերենից, հրապարակախոսական հախուռն հոդվածներ, գրականագիտական լուրջ ուսումնասիրություններ, հարցազրույցներ եւ ելույթներ: Այս ընթացքում Անահիտ Բոստանջյանը մի քանի հարյուր գրքեր է կազմել ու հրատարակել, գրել առաջաբաններ, խմբագրել ու սրբագրել, հիմնել ու ղեկավարել «Կամուրջ» գրական-հասարակական միությունը, սկիզբը դրել «Կամար» եւ «Շեն» մատենաշարերի: ՎԳՄ հայ գրողների

րի վերջերս վերականգնված մասնաճյուղի ղեկավարն էր, ՎՀԳ «Վերնատուն» միության վարչության անդամ, Հայաստանի եւ Վրաստանի գրողների միությունների անդամ...

Ջարմանալ կարելի էր նրա անդուլ աշխատասիրությամբ եւ անսահման սիրով՝ դեպի գիրն ու գրականությունը: Միայն մի քանի տարում նա հայ ընթերցողի սեղանին դրեց ժամանակակից վրաց գրականության մեծերի՝ Ռեազ Միշվելաձեի, Իրակլի Սամսոնաձեի, Օթար Ծիլաձեի, Գուրամ Օղիշարիայի, Դավիթ Շենոքմեդելու, այլոց հիանալի արձակի եւ պոեզիայի մոնուշները: Նա հայ-վրացական գրական կապերի ոսկե կամուրջ էր, մեր գրականությունների եւ ժողովուրդների մերձեցման իսկական դեսպան ու պատվիրակ: Անահիտ Բոստանջյանը մեծ վաստակ ունի նաեւ սփյուռքահայ գրականությունը վիրահայերին ծանոթ ու ճանաչելի դարձնելու ծիրում. չկա աշխարհում հայտնի որեւէ հայ անվանի ստեղծագործող, որի գործերից տպագր-

ված չլինեն «Կամուրջ» տարեգրքերում: Նույնը եւ՝ հայաստանյան նշանավոր գրողների:

Անահիտը Վրաստանում ավանդական դարձած մշակութային եւ գրական միջոցառումների մշտական մասնակիցն էր, նաեւ՝ ոգին: Նրա ոգեշունչ ելույթները, արժեքավոր դատողություններն ու խորհուրդները ջերմ սիրով էին ընկալվում սայաթնովյան Վարդատոմին ու Տերյանական օրին, Ջիվանու, Հավասու, Աղայանի, Հովսեփյանի տոնախմբություններին: Սիրում էր աշխատել երիտասարդ ստեղծագործողների հետ:

Հիմա այլեւս Անահիտ Բոստանջյանը երկրային կյանքում չէ: Դժվար է հաշտվել այն մտքի հետ, որ 67 տարեկան հասակում նա այնքան անսպասելի ու անժամանակ գնաց իր այնքան փայփայած կյանքից:

**ԳԵՎՈՐԳ (ԺՈՐԱ) ՄՆԻՇՅԱՆ  
ՎՀԳ «Վերնատուն» միության  
նախագահ**

## ԹԲԻԼԻՍԻՆ ՀՐԱԺԵՇՏ ՏՎԵՑ ԱՆԱՀԻՏ ԲՈՍՏԱՆՋՅԱՆԻՆ

Հունարի 12-ին վիրահայությունը հրաժեշտ տվեց հուլիսի 8-ին հանկարծամահ եղած, վիրահայ բանաստեղծ, թարգմանիչ, լրագրող Անահիտ Բոստանջյանին:

Թբիլիսիի Պետրոս Ադամյանի անվան պետական հայկական դրամատիկական թատրոնի բեմին, ծաղիկներով ու ծաղկեպսակներով չորապատված դազադի շուրջ, հավաքվել էին Անահիտ Բոստանջյանի հարազատները, մերձավորները, հայ եւ վրաց գրողներ, պատգամավորներ, մտավորականներ, հյուրեր Հայաստանից: Դահլիճում նրա տաղանդի երկրպագուներն էին:

Սգո հանրահավաքին, որը բացեց Վրաստանի հայ գրողների «Վերնատուն» միության նախագահ Ժորա Մնիշյանը, ընթերցվեցին Վրաստա-

նում Հայաստանի արտակարգ եւ լիազոր դեսպան Յուրի Վարդանյանի, Վիրահայոց թեմի առաջնորդ Վազգեն Եպիսկոպոս Միրզախանյանի ցավակցական ուղերձները:

Արարողությանը ելույթ ունեցան Վրաստանի գրողների միության նախագահ Մաղվալա Գոնաշվիլին, Հայաստանի գրողների միության նախագահ Էդուարդ Միլիտոնյանը, «Վրաստան» թերթի խմբագիր Վան Բայբուրդյանը, Հայաստանի սփյուռքի փոխնախարար Սերժ Սրապիոնյանը, Վրաստանում Հայաստանի դեսպանի ժամանակավոր պաշտոնակատար Յուրի Պետրոսյանը, Թբիլիսիի Պետրոս Ադամյանի անվան պետհայդրամայի թատրոնի գեղարվեստական ղեկավար Արմեն Բայանդուրյանը, Ախալքալաքի մունիցիպալի-

տետի սակրեբուլոյի նախագահ Համլետ Մովսիսյանը, Վրաստանի Ռուսաթվելու անվան ընկերության նախագահ Դավիթ Շենոքմեդելին, ով հրապարակեց Անահիտ Բոստանջյանին ետմահու ընկերության Շ.Ռուսաթվելու գրական մրցանակով պարգևատրելու մասին որոշում, բանաստեղծուհի Միմոզա Ցանավան:

Ելույթ ունեցողները խոսեցին Անահիտ Բոստանջյան բանաստեղծուհու, լրագրողի, թարգմանչուհու, մարդու մասին, որպես վրաց եւ հայ գրականությունների միջեւ կամուրջ անցկացնողի, երկու գրական մշակույթները միմյանցով փոխհարստացնողի, փոխադարձ կապերի խորացման ու ամրապնդման գործին անմնացորդ նվիրյալի:

Սգո հանրահավաքի ավարտին



Վիրահայոց թեմի առաջնորդ Վազգեն Եպիսկոպոս Միրզախանյանի կողմից անցկացվեց հոգեհանգստյան սգո արարողություն:

Ապա թբիլիսյան թատրոնի շենքից, ծափահարությունների ներքո,

հուղակավորության թափորը ուղղվեց Թբիլիսիի Հայ գրողների եւ հասարակական գործիչների խոջիվանքի պանթեոն, որտեղ էլ իր վերջին հանգրվանը գտավ Անահիտ Բոստանջյանը:

### ՓԱՐԱՋԱՆՈՎ-93

## ՀԱՆՐԱԳՈՒՄԱՐՎԵՑԻՆ ՍԵՐԳՈ ՓԱՐԱՋԱՆՈՎԻ ԱՆՎԱՆ ՄՐՑՈՒՅԹԻ ԱՐԴՅՈՒՆՔՆԵՐԸ

*Վրաստանի խորհրդարանի ազգային գրադարանում անցկացվեց հանրահայտ կինոռեժիսոր Սերգո Փարաջանովի ծննդյան 93-րդ տարեդարձին նվիրված երեկո եւ ռեժիսորի անվան մրցույթում հաղթողների պարգևատրման արարողություն:*

Ներկա հասարակությանը տրվեց մրցույթի հաղթողների աշխատանքները դիտելու հնարավորություն:

- Սերգո Փարաջանովի թեմատիկայով գործերի մրցույթն անցկացվում է երրորդ անգամ, եւ այստեղ՝ Ազգային գրադարանում, դրա անցկացումն արդեն ավանդական բնույթ է ստացել: Հուլ-երեկոն անցկացվեց «Վրացահայերի միության» կազմակերպմամբ եւ այն, Վրաստանի մշակույթի ու հուշարձանների պաշտպանության նախարարության հետ միասին, հովանավորեց ճանաչված լուսանկարիչ Յուրի Մեչիտովը՝ ասաց «Վրացահայերի միություն» փոխնախագահ Մարի Առաքելովան:

Միջոցառման կազմակերպիչների խոսքով, սույն նախագծի նպատակը Սերգո Փարաջանովի արվեստի ժողովրդականացումն ու երիտասարդ ստեղծագործողների գործունեության զարգացման նպաստումն է:

Ներկայիս մրցույթին մասնակցում էին տարբեր երկրների՝ Հայաստանի, Ռուսաստանի, Ուկրաինայի եւ Բելառուսի 33 երիտասարդ ստեղծագործողներ:

Միջոցառմանը, նախ մրցույթի 333 մասնակիցներից ընտրվեցին երեք հաղթողները, ապա՝ տեղի ունեցավ նրանց պարգևատրման արարողությունը:


Մրցույթի բրոնզե դափնեկիր դարձավ նկարիչ Ելենա Սիրունյանը: Արծաթե պարգեւին արժանացավ Արմեն Հովհաննիսյանի աշխատանքը: Իսկ մրցույթի հաղթող եւ ոսկե դափնեկիր ճանաչվեց Հրաչիկ Մելիշավյանը:

Մրցույթի հաղթողներին փոխանցվեցին Բակուրիանիի հանգստավայրում երկշաբաթյա հանգստի ուղեգրեր:

Միջոցառման ավարտին ցուցադրվեց Սերգո Փարաջանովի մասին գեղարվեստական ֆիլմ:

### ՑՈՒՑԱՐԱՆԴԵՍ

## ՆՎԻՐՎԱԾ ԷՐ ԱՆԵՔՍԱՆԴՐ ԲԱԺԲԵՈՒԿ-ՄԵԼԻՔՈՎԻ ԾՆԵԴՅԱՆ 125-ԱՄՅԱԿԻՆ ԵՎ ՄԱՀՎԱՆ 50-ՐԴ ՏԱՐԵԼԻՃԻՆ



Թբիլիսիի արվեստասեր հասարակայնությունը եկել էր դիտելու մեծն նկարչի անկրկնելի կտավները, որոնք փայլուն կերպով ուղեւշուն էին Թբիլիսիի բնիկ քաղաքացու ստեղծագործական ուղին:

Սույն ցուցահանդեսը սահմանափակվեց դասական գեղանկարչի միայն Վրաստանում պահպանվող աշխատանքներով: Ցուցահանդեսին ներկայացվել էին Վրաստանի ազգային թանգարանի (Շավա Ամիրանաշվիլու անվան արվեստի թանգարանի եւ Դմիտրի Շեարդնաձեի անվան ազգային պատկերասրահի), Գիորգի Լեոնիձեի անվան վրաց գրականության թանգարանի հիմնադրամներում պահվող եւ մասնավոր հավաքածուներում պահվող կտավները:

Ցուցահանդեսը, որին ներկա էին նաեւ Վիրահայոց թեմի հոգեւոր դասը, Վրաստանում Հայաստանի դես-

երկրպագուներ, բացեց Վրաստանի ազգային թանգարանի գլխավոր տնօրեն Դավիթ Լորթքիփանիձեն: Կարեւորելով հայ-վրացական մշակույթի զարգացումը, փոխադարձ կապն ու ներդաշնակումը՝ գլխավոր տնօրենը արժեւորեց Ալեքսանդր Բաժբեուկ-Մելիքովի արվեստը, այն, որ նա եղել է վրաց նկարիչներ Լադո Գուդիաշվիլու, Ավթանդիլ Վարազի, Ռոսե Թոփձեի, Իլիա եւ Կիրիլ Ջղանդեիչների ժամանակակից ու գործընկերը, ովքեր իրենց անկրկնելի գործերով վրացական արվեստը դուրս են բերել համազգային ասպարեզ:

Վիրահայոց թեմի առաջնորդ Տեր Վազգեն Եպիսկոպոս Միրզախանյանը իր օրհնության խոսքում կարեւորեց զույների անկրկնելիությունը եւ տրամադրությունների վերարտադրման վարպետությունը, երկու քրիստոնյա ազգերի մշակույթ-

*Հունվարի 10-ին, Վրաստանի ազգային թանգարանի Դմիտրի Շեարդնաձեի անվան Ազգային պատկերասրահի չորս դահլիճներում, ներկայացվեցին 20-րդ դարի վրացական կերպարվեստի համադրեղ գեղանկարիչ, թբիլիսահայ Ալեքսանդր Բաժբեուկ-Մելիքովի 96 կտավներ: Դա մեծ վարպետ նկարչի աշխատանքների առաջին ցուցադրությունն էր Թբիլիսիում: Ցուցահանդեսը, որը կազմակերպել էր Վրաստանի Ազգային պատկերասրահը՝ Վրաստանի հայ նկարիչների միության նորընտիր նախագահ, շնորհալի նկարչուհի Իռենա Օհանջանովայի նախագծով եւ համակարգմամբ, նվիրված էր Ալեքսանդր Բաժբեուկ-Մելիքովի ծննդյան 125-ամյակին եւ մահվան 50-րդ տարելիցին:*

պանության դիվանագետները, մտավորականներ, արվեստի գործիչներ եւ

ների ծուլվածությունը, ներդաշնակումը, որպես մեկ համընդհանուր արվեստ ներկայանալը, որի վկայությունը այս ցուցահանդեսն էր:

Նախագծի հեղինակ, Վրաստանի հայ նկարիչների միության նախագահ Իռենա Օհանջանովան շնորհակալություն խոսքեր ուղղեց Վրաստանի մշակույթի եւ հուշարձանների պահպանության նախարարությանը, Հայաստանի մշակույթի նախարարությանը, Վրաստանի ազգային թանգարանին եւ Վիրահայոց թեմին, նախագծի իրականացմանը ցուցաբերած աջակցության համար: Նախագծի ղեկավարը երախտագիտության խոսքեր ուղղեց նախագծի դիտորդ ժամանա Սարուխանովային եւ արվեստագետ Դավիթ Անդրիանիձեին օժանդակության համար:

Վրաստանի արվեստի վաստակավոր գործիչ Ալեքսանդր Բաժբեուկ-ՎՄելիքովի աշխատանքների ցուցահանդեսը Թբիլիսիում կշարունակվի մինչեւ 2017 թվականի փետրվարի 24-ը:

**ԱՆՆԱ ՍԱՐԻԲԵԿՅԱՆ**

ԽՈՅ - 21.03-20.04



Իրականում ամեն ինչ նորմալ կլինի, ձեզ վրա հիմնականում կենդանություն գործընկերները եւ աշխարհը՝ ընդհանուր առումով: Հիմա կարելիություն է հայտնվել վերաբերմունքը շրջապատի նկատմամբ: Պետք է մշտապես հիշել, որ դուք մենակ չեք եւ ձեր կողքին էլ կան մարդիկ, որոնցից կարող եք շատ բան սովորել: Ու թեպետ բնույթով հակված եք հավատարիմ մնալ սեփական ազատությանը, հայացքներին ու սկզբունքներին, բայց այժմ ձեզանից պահանջվում է հավասարակշռել «ես եւ աշխարհը» գոտիները:

Անձնական կյանքում՝ զուգընկերոջ կամ ամուսնու հետ, սպասվում են հետաքրքիր, համատեղ գործեր: Չեք ծանոթանա նաեւ աշխատավայրում: Որքան համառ լինեք սեփական դիրքերում, եւ որքան շատ լինի հրամայելու ցանկությունը, տեղի ունեցածն այնքան սուր եւ հիվանդագին կանդաղադեմ ձեզ վրա: Խոյը իր ռոմանտիկ սիրոն անպայման կհանդիպի ամուսնուն:

Կարիերան կընթանա բնական հունով, բացառված չեն նաեւ ճգնաժամներ, որոնք այս դեպքում կնպաստեն կարիերայի աճին: Աքլորը խորհուրդ է տալիս խուսափել դեկավարության հետ բախումներից: Աշխատանքի, կարիերայի ճանապարհին մի՛ փորձեք պահել այն, ինչ գնում է. թող որ այրվեն կամուրջները: Աշխատել կիրականացնեք այն խոստումնալից ծրագրերը, որ կապել էք բիզնեսի, աշխատանքի հետ:

Առողջական պլանում խուսափեք մրսելուց, հակառակ դեպքում, կունենաք խնդիրներ: Ջրաղվեք չափավոր մարմնամարզությանը:

ՑՈՒԼ - 21.04-20.05



Ցուլերի համար տարին հագեցած կլինի ոչ մեծ, բայց կարելի իրադարձություններով: Չեք բնատուր առաջնությունները կփայլեն առանձնապես բնակարանի եւ ընտանիքի հետ կապված հարցերում: Որքան խաղաղ լինի Ցուլի կյանքի ոճը, միստուկացը, այնքան լավ իր համար. խուսափեք որեւէ ռիսկից: Չեք ժամանակը առավելագույնս տրամադրեք ինքնաճանաչման խնդրին, փորձեք խորանալ այդ ուղղությամբ, այդպիսով միայն կստանաք այն ներուժն ու էներգիան, որը կօգնի ինքնահաստատմանը:

Եթե նախորդ տարում ձեր զուգընկերոջ կամ կողակցի հետ հարաբերությունները ներդաշնակ չէին, ապա հիմա գալիս է հանգուցալուծման պահը եւ, ըստ այդմ էլ՝ խաղաղ եւ փոխըմբռնելի հարաբերություններ:

Չեք առօրյա գործերը բարեհաջող կվարեք, իսկ կարիերայի հաջողությանը կնպաստի այն ստեղծագործական տրամադրվածությունը, որը կստանաք տարվա Տիրակալից: Իրավիճակի ցանկալի զարգացումն ապահովելու միջոցը՝ ողջ ներուժը, ընտանիքին եւ բնակարանին ուղղվել է: Այս դեպքում աշխատանքն ինքն իրեն կգա, եւ ձեզ հարկ չի լինի ակտիվություն ցուցաբերել նրա փնտրումներում:

Առողջական խնդիրների առաջ չհայտնվելու համար, տարվա սկզբիցսեք զբաղվեք նրանով: Զուգուցեք մրսելուց եւ ակտիվ չարաշահելուց:

ԵՐԿՎՈՐՅԱԿՆԵՐ - 21.05-21.06



Տարվա առաջին ամիսներին ձեզ մոտ կշարունակվի հանգստի անհրաժեշտության այն պահանջը, որ սկսվել էր նախորդ տարվա վերջում: Այդ ժամանակը փորձեք օգտագործել տարվա արդյունքներն ամփոփելու եւ դեպի ապագան հավատով նայելու տրամադրվածությամբ: Տարվա երկրորդ կեսը կնշանավորվի վառ հանդիպումներով, դուք թեթևություն կգզաք եւ կունենաք հետաքրքիր, օգտակար բացահայտումներ: Այս շրջանում կհաջողվի որսալ ցանկալի հաջողություններ, դրան կն-

## ԱՄՏՂԵՐԸ ԳՈՒՇԱԿՈՒՄ, ԲԱՅՅ ԳԵՆ ՊԱՐՏԱԳՐՈՒՄ ՏԱՐԻՆ՝ ՏԱՍՆԵՐԿՈՒ ԴԵՄՔԵՐՈՎ

պաստեն հանգամանքները, եւ դուք ձեզանում կզգաք հոգեւոր աճ:

Մինչեւ մայիս անհրաժեշտ է շարունակել այն, ինչ արդեն անում էք անցյալ տարի՝ ամրապնդել ընտանեկան կապերը: Աքլորը խորհուրդ է տալիս ընտանիքի հետ կապված հարցերը՝ անշարժ գույքի վերանորոգման եւ այլն, լուծել տարվա առաջին կեսին: Ցանկացած ինքնուրույն ու ներքին մղումով կայացած որոշումները հիմա ողջունելի չեն, պետք է ամեն ինչ լավ ծանուցեք եւ ամեն: Բոլոր փորձությունները համբերությամբ տանելուց հետո միայն, դուք կհասկանաք, թե ինչու էր այդ ամենը կատարվում: Տարվա վերջում հնարավոր է պաշտոնի բարձրացում եւ պատասխանատվության աճ:

Առողջության ապահովման համար ավարտին հասցրեք նախորդ տարում սկսած բուժումը: Օգտակար կլինի մերսման կուրս ընդունելը, խուսափեք ծանրաբեռնվածությունից:

ԽԵՑԳԵՏԻՆ - 22.06-21.07



2017-ի սկզբին ջանացեք հնարավորինս շատ տպավորություններ կուտակել, եւ այդ հարմար է անել ճանապարհորդություններին, նոր մարդկանց հետ հանդիպման միջոցով. թող ձեր կյանքը լինի հագեցված ու հետաքրքիր:

Տարվա երկրորդ կեսը պետք է հատկացնել աշխատանքին, ավելի շուտ՝ նրա նյութական կողմին. եկել է սեփական ֆինանսական դիրքերը ամրացնելու ժամանակը: Ի դեպ, ձեր շուրջ կատարվող իրադարձություններն իրենց հերթին կնպաստեն հենց դրան:

Տանը՝ ընտանեկան հարաբերություններում, կթագավորեն փոխըմբռնումը եւ ներդաշնակությունը: 2017-ը հարմար է ընտանեկան կարելու գործերի իրականացման համար:

Ճանապարհորդական ծրագրերում ցանկալի է, որ այն ուղեկցվի նորի ձեռքբերման գիտակցումով. դրան կնպաստեն ձեր հոգեւոր աճը ապահովող դասընթացները, տրեմինգները: Նոր ծանոթություններ հաստատելու ջանքերում չմոռանաք հարազատներին՝ քույր-եղբայրներին, զարմիկներին: Կողակցի հետ հարաբերությունները խաղաղ ու ներդաշնակ են, եթե հաշվի չառնվեն նորմայի սահմաններում ծագող խնդիրները:

Սեր փնտրողների համար՝ տարվա լավագույն հատվածը աշունն է: Սեկ խորհուրդ. եթե միայնակ եք եւ փնտրում եք ձեր կեսին, մի՛ շտապեք ձեր ծանոթությունը ամուսնական կապով ամրապնդել...

2017-ին ձեր կարիերային ոչինչ չի սպառնում: Կարելու է սրտամոտ չընդունել հնարավոր անախորժությունները, հետեւեք իմաստուն խրատին՝ «Շուտը հաշեք, քամին փչեց»: Եթե ուզում եք, որ ձեր նյութականը աճի, բավարարվեք եղածով, այն, ինչ կտա բարեհաճ Աքլորը:

Առողջության պահպանման համար խուսափեք մրսելուց, վերահսկեք ընդունվող հյութեղենի չափը, հրաժարվեք ալկոհոլից եւ թվեղենից:

ԱՌՅՈՒԾ - 22.07-22.08



Շարունակվում է ձեր փորձությունը՝ համեստության առումով... Այո՛, հիմա կարելու է, որ Առյուծը երախտագիտությամբ ընդունի ամենը, ինչ ստանում է կյանքից: Տարվա սկզբին առաջնահերթությունը կտրվի նյութական հարցերին, հետո արդեն հիմնականորեն կդառնա ինքնահաստատումը: Փնտրեք ինքնեղծ ձեզ եւ դուք զարմանքով կհայտնաբերեք ձեր էության նոր կողմերը: Չանցեք թոթափել կախվածության զգացումը. ժամանակն է սեփական կյանքի ուղղորդ դառնալը: Պինդ պահեք ձեր դեկը եւ մեկնում միշտ մոռացեք ինքներդ ձեզանով հրճվելու բնատուր թուլությունը: Ժամանակն է սովորել վերահսկելու սեփական հնարավորություն-

ները, ծախսել ներուժը խելամիտ, եւ ներուժի որոշ մաս էլ պահել հեռակա ծրագրերի իրականացման համար: Նաեւ ժամանակն է հենվել սեփական համոզմունքներին, ընդունակություններին, ձեռքբերումներին:

Անձնական կյանքը 2017-ին կանցնի փորձությունների միջով: Կարելու է հասկանալ, թե ինչու՞ է այդպես լինում, ո՞րն է խզման պատճառը... Այդ գիտակցումը կօգնի սիրո պահպանմանը: Առյուծից պահանջվում է համբերատարություն. մի՛ պահանջեք կողակցից կամ զուգընկերոջից, որ նա արդարացի ձեր բոլոր սպասումները, մի՛ եղեք քմահաճ:

Կարիերայում սպասվում է լուսավոր մի շրջան. դուք վերջապես կգտնեք ձեր սրտի գործը, ձեր կոչումը: Ֆինանսական ճգնաժամներից խուսափելու կօգնի սեփական վատաւար խելացի տնօրինելու, ավելորդ ծախսերից խուսափելու գիտակցումը:

Գրեթե ողջ տարում չեք ունենա առողջական խնդիրներ: Հրաժարվեք սպորտի վտանգավոր ձևերից: Չափի զգացման պահպանումը, կանոնավոր սննդակարգը կօգնեն Առյուծին մտերմանալ սեփական օրգանիզմի հետ եւ ամրապնդել այդ բարեկամությունը:

ԿՈՒՅՈՒ - 23.08-22.09



Աքլորը շնորհավորում է ձեր վերածնունդը. դուք վերջապես բացահայտեցիք ձեր տաղանդները եւ ընդունակությունները: Հիմա անհրաժեշտ է ամրացնել շրջապատի հանդեպ վստահության զգացումը եւ որոշակիացնել հետագա անելիքները:

Ինչ վերաբերում է անձնական կյանքին, այստեղ ամեն ինչ հստակ է՝ մաքրված մշուշներից: Առաջնահերթը թող դառնա հոգեւոր զարգացումը, գտեք շրջապատից առանձնանալու, ինքներդ ձեզ հետ լինելու հնարավորություն: Գտեք համարձակությունը դիմադրած լինելու սեփական վախերին, կասկածներին, տագնապներին, սովերոտ հույզերին: Փորձե՛ք աղոթել, ձգտե՛ք մաքրել հոգին: Առանց ծայրահեղ անհրաժեշտության մի՛ դիմեք խոշոր գործարքների եւ կարելու գործերի:

Անձնական կյանքում հավանաբար հայտնվի նոր զուգընկեր. նրան չվանեք, որովհետեւ սահմանված է վերին կամքով: Տանը ջանացեք պահպանել բարեհաճ մթնոլորտ. հիմա կոնֆլիկտների ժամանակը չէ:

Կարիերայում կարող եք ձգտել պաշտոնի բարձրացման եւ ձեռնարկել ցանկացած նախագիծ: Ի դեպ, նոր զբաղմունքը ինքը կգտնի ձեզ: Ֆինանսների տեսակետից ամեն ինչ շատ լավ է, կունենաք ձեր եկամուտը ավելացնելու շանսեր: Խորհուրդ՝ չի տրվում զբաղվել անշարժ գույքի առքուվաճառքով:

Ծխողներ, հանում առողջության հրաժարվեք ծխախոտից: Կույսի դեպքում պահանջվում է ծխախոտից հրաժարումը իրականացնել հոգեւոր աճի միջոցով, այսինքն՝ հրաժարվել նեգատիվից: Հետևաբար, անհրաժեշտ է զբաղվել յոգայով, աղոթքով: Օրգանիզմին սատարելու լավագույն տարբերակը առողջարան գնալն է:

ԿՇԵՈՒԸ - 23.09-22.10



2017-ի գլխավոր խնդիրը Կշեռքի համար իր ներաշխարհի հետ հաշտվելն է. դուք պետք է լուծեք հոգեբանական ձեր խնդիրները եւ կարողանաք հոգեպես կողմնորոշվել: Դրանից հետո, ձեր առջեւ կբացվեն գործունեության նոր հորիզոններ, հետաքրքիր նախագծեր: Չեք հեղինակելու կլինի բարձր, ուրեմն եւ, կյանքը կցվի պոզիտիվ, առաջնային էներգիայով, երջանկության եւ հաջողության զգացողությամբ: Ինքն իր հետ լինելը Կշեռքին կօգնի բացահայտել սեփական ուժերը, հասկանալ, թե ինչ է ուզում կյանքից: Սրտամոտ մի ընդունեք նյութական պակասը. դրան կօգնի ներաճման ցումը, հանգամանքները նկատի ունենալը:

Անձնական կյանքը 2017-ին կապված է որոշ փոփոխությունների հետ: Հավանական է նախկին զուգընկերոջ վերադարձ անցյալից, եւ նախկինում ծագած հակասությունների լուծում:

Աշխատանքային առաջընթացի տեսակետից տարին կլինի չեզոք, ինչ-որ տեղ՝ նույնիսկ բարեհաջող: Դուք կցանկանաք փոխել մասնագիտությունը, աշխատատեղը, եւ հիմա Կշեռքը լիովին ունի դրա իրավունքը: Ֆինանսական վիճակը բավարար է, չփորձեք սկսել նոր բիզնես: Ձեր եկամուտը կավելանա, կհայտնվեն հավելյալ վաստակի աղբյուրներ:

Կշեռքի ֆիզիկական առողջությունը կախված է հոգեկան աշխարհի խաղաղության հետ: Եթե հոգում տիրի հավասարակշռվածություն եւ խաղաղություն, ապա՝ ֆիզիկական մարմինը կլինի իդեալական վիճակում:

ԿԱՐԻՑ - 23.10-21.11



2017-ի սկիզբը ձեզ համար կլինի փորձական շրջան. ով փորձությանը դիմանա, կստանա հետագա հաջողությունների շանս: Տարվա երկրորդ կեսին հնարավոր է նպատակամղված աճ կարիերայում, բայց միայն նրանց համար, ովքեր կկարողանան զգալ ճակատագրի նշանները եւ սեփական առաջատուները ժամանակին համապատասխանեցնել քամու ուղղությանը:


Անձնական կյանքում գալիս է ամենաներդաշնակ շրջաններից մեկը, իսկ ֆինանսական պլանում հարկ կլինի համբերել, դեռ կան անհարթություններ:

Տարվա սկզբին առանց որեւէ ջանքերի, կսկսեն իրականանալ ձեր երազանքները: Նրանք, ովքեր միայնակ են, կհանդիպեն իրենց կեսին, եւ հանդիպումը կլինի ճակատագրական:

Կարիերան եւ բիզնեսը մինչեւ գարուն չեք կարողանա վերահսկել, եւ այդ հանգամանքը ընդունեք խաղաղ: Իսկ արդեն հունիսից իրանվիճակը կփոխվի. ձեզ կտրվեն պրոֆեսիոնալ աճի տարբեր հնարավորություններ, այդ շանսերը օգտագործեք: Եթե նույնիսկ առաջարկվածը անհեթեթություն թվա, այնուհանդերձ, համաձայնեք: Փոքր-ինչ հետո, ճակատագիրը ձեզ կմատուցի նոր գործնական առաջարկ, որը կլինի այն, ինչ դուք համարում էք անհասանելի. հիշեք, որ այդ նոր առաջարկը պետք է գա առանց ձեր ջանքերի: Անախորժություններից ապահովված կլինեն նրանք, ովքեր չեն նետվի շահի տեսլից եւ կբավարարվեն եղածով:

Առողջական ոլորտում Աքլորը խորհուրդ է տալիս խուսափել սթրեսներից, ինչին կօգնեն մաքուր օդը, մարզանքները, առողջ սնունդը եւ քունը: Եթե ուշադիր լինեք եւ օր առաջ նկատեք սկսվող հիվանդությունը, այն կհաղթահարեք արագ:

ԱՂԵՂՆԱՎՈՐ - 22.11-21.12



2017-ը ձեզ համար կլինի ոչ սովորական տարի: Աքլորը Աղեղնավորից պահանջում է համբերատարություն: Ձեր կյանքի այս հատվածում դուք կհասկանաք, թե ինչ եք ուզում ճակատագրից, կդնեք ձեր առջեւ կարելու նպատակներ եւ կնվճեք դրանց իրականացմանը:

Կարիերայում սպասվում են կարելու եւ շահավետ իրադարձություններ: Տարվա երկրորդ կեսին հավանական են գրավիչ ու զվարճալի ճանապարհորդություններ:

Աքլորը Աղեղնավորից պահանջում է բացահայտել եւ ընդունել սեփական թերությունները, կարծրատիպերը եւ ջանալ նրանցից ազատվել: Կյանքի բարդ ու դժվար շրջանը, անշուշտ, կանցնի. հարկավոր է միայն զինվել համբերությամբ, տոկունությամբ, չընկճվել: Տարին կարելու է հոգեւոր զարգացման իմաստով. ժամանակն է լքորելու ուսումնասիրել այնպիսի ասպարեզները, ինչպիսիք են փիլիսոփայությունը, կրոնական ավանդույթները:

Ամռանը սկսված ռոմանտիկ ծանոթությունը կարող է դառնալ ավելի լուրջ եւ լուծվել զուգընկերոջ հետ ձեր միությանը: Համատեղ

(Շարունակությունը՝ 7-րդ էջում)



## 2016-Ի ՁԵՌՔԵՐՈՒՄՆԵՐԸ ԵՎ 2017-Ի ՄՊԱՍԵԼԻՔՆԵՐԸ

Ծնունդով Վրաստանի Քվեմո-Քարթլիի շրջանի Բոլնիս-Խաչեն գյուղից եմ, ուր այժմ էլ բնակվում է ընտանիքս՝ հայրս, մայրս, տատս... Իսկ ես, տեղի միջնակարգն ավարտելուց հետո, 2010-ին ընդունվել եմ Երեւանի Գեղարվեստի պետական ակադեմիան եւ ավարտել Կերպարվեստի ֆակուլտետն ու առ այսօր շարունակում բնակվել եւ գործունեությունն ծավալել Երեւանում: Վրաստանում ցուցադրվել եմ միայն մեկ անգամ՝ 2013-ին, Թբիլիսիում: Մասնակցել եմ Վիրահայոց թեմի նախաձեռնությամբ կազմակերպված հավաքական ցուցահանդեսին՝ նվիրված Մայրության տոնին:

2016 թվականն ինձ համար լարված տարի էր: Տարին նշանավորվեց նաեւ Երեւանում նկարահանվող ֆիլմերում իմ մասնակցությամբ՝ «Շրջապտույտը» եւ «Under Grand»-ը: Ֆիլմերից մեկում ներկայացնում եմ գլխավոր կերպարը՝ նկարչուհուն:

2017-ից սպասելիքներս մեծ են: Գարնանը նախատեսվում է իմ անհատական ցուցահանդեսը:

Կցանկանայի, որ 2017-ը նվաճումների ու կայացումների տարի լինի: Թող բոլորն արթնանան Աքլորի կանչով եւ վայելեն իրենց օրը խաղաղության եւ հաճելի եռուզեռի մեջ:

ԽՇՆորհավոր Նոր Տարի եւ Սուրբ Ծնունդ:

**Գրետա Դարությունյան**  
**25 տարեկան**

Իմ կյանքի պատմության մեջ 2016 թվականը նմանեցնում եմ շենքի շինարարության այն փուլին, երբ գցված է հիմքը, ու դու փորձում ես շարել պատերը: 2015-ին ամուսնուս ծնողները մեզ բնակարան նվիրեցին, որի համար մշտապես շնորհակալ եմ: Հե-

տո ներքին ու արտաքին վերանորոգումն իրակամացնելու համար, դրամատիկ վարկ վերցրեցինք եւ հիմնովին նորոգեցինք ամենաեականը: Մեր օրերում սա տարածված էլք է, թեւ հաճախ՝ կործանիչ, կենցաղային կարիքներն ապահովելու համար: Արդեն, 2016-ին սկսեցինք օրնիբուն աշխատել պարտքերն ու նորոգման եւ կահույքի դեռ անավարտ բացերը փակելու եւ ավարտին հասցնելու ուղղությամբ: Աստիճանաբար փորձում ենք ազատվել պարտքերից, եւ դա մեզ հաջողվում է:

Ամուսինս կոշկակար է, աշխատում է առանց գլանալու, իսկ ես՝ վարսավիր ու, թեւ ամբողջ օրը աշխատանքի եմ, այդուհանդերձ, տանտիկնոջ եւ մոր պարտականություններս երբեք չեմ մոռանում: Դուստրս սովորում է թիվ 104 հայկական դպրոցի 3-րդ դասարանում: Նա իմ հպարտությունն է: Բացառիկ աշխատասեր է եւ իսկապես մեծ սեր ունի ուսման հանդեպ: Շնորհակալ եմ հատկապես դասուղեկին՝ Եմմա Արգուլյանին, ում հետեւողական ջանքերի շնորհիվ Ռանիտա այս տարի ուրախացրեց դպրոցում ստացած իր պատվոգրով:

Կցանկանայի, որ 2017 թվականը բարու եւ ջերմության մեջ պահեր այն, ինչ ունենք, այն, ինչ մեր իսկ քրտինքով փորձել ենք կառուցել ու ամրացնել: Թող Աստված բոլորին առողջություն բերի, ծնողներին այնքան ուժ, որ երեխաները երբեք անօթեւան ու անոթի չմնան:

Շնորհավոր Ամանոր եւ Սուրբ Ծնունդ:

**Դիանա Սարգսյան**  
**վարսավիր, 32 տարեկան**

2016 թվականն ինձ համար մի նոր հարթակ էր՝ մրցույթներին եւ փառատոներին մասնակցե-

լու, ինչպես նաեւ բովանդակալից ուղեւորությունների եւ նոր ընկերների ձեռքբերման առումով: Ես Ախալքալաքի Երաժշտական դպրոցի դաշնամուրի եւ ֆորտեպիանոյի դասարանի սան եմ եւ, ուսուցչուհուս՝ Սվետլանա Կարոյանի աջակցությամբ մասնակցում եմ Վրաստանում իրականացվող դասական երաժշտության համապատասխան միջոցառումներին: Մասնավորապես, տարեսկզբին Գորիում՝ «Մեկ երկնքի տակ. մշակութային երկխոսություն» փառատոնին: Այա՛՝ Երեւանում «Նոր անուններ» խորագիրը կրող դասական երաժշտության պատանի կատարողների 6-րդ միջազգային փառատոնին: Ես ներկայացնում էի Վրաստանը: Կատարեցի Կլոդ Դեբյուսի «Doctor Gradus ad Parnassum» (Children's corner I) եւ Պոլ Դեզմոնդի «Take five» ստեղծագործությունները:

Այնուհետեւ մասնակցեցի «Ապագայի աստղեր» դասական երաժշտության 9-րդ հանրապետական (5-րդ միջազգային) մրցույթ-փառատոնին: Ստացա դափնեկրի դիպլոմ՝ «Ազգային երաժշտության լավագույն կատարում» անվանակարգում:

Իմ պարագայում, դա երազանքիս իրականացումն էր՝ համատեղ ելույթս սիմֆոնիկ նվագախմբի հետ: Մասնակցեցի Բաթումի «Փառատոնից փառատոն» միջոցառմանը:

Այս իմ հաջողությունների համար ես շնորհակալ եմ ուսուցչուհուս, ծնողներիս եւ բոլորին, ովքեր կողքիս եմ: Նոր տարում բոլոր նրանց եւ, իհարկե, ձեզ միայն բարօրություն եմ մաղթում, խաղաղ երկինք ու մաքուր հոգի:

**Անահիտ Ստեփանյան**  
**10 տարեկան**

**ք.Ախալքալաքի**

## ԱՄԱՆՈՐՅԱ ՄԻՋՈՅԱՌՈՒՄ՝ ԴԱՄԱՆԱՅԻ ՀԱՆՐԱՅԻՆ ԴՊՐՈՅՈՒՄ

Թանկագին՝ դամալացիներ, սիրելի՛ Սամսխե-Ջավախեթի գործընկերներ, ուսուցիչներ, աշակերտներ. սրտանց շնորհավորում եմ Ձեզ՝ Ամանորի եւ Սուրբ Ծննդյան տոների կապակցությամբ: Ընտանեկան անասնան երջանկություն, առողջություն, առաջընթաց Ձեզ եւ ձեր ընտանիքներին:

Թող 2017 թվականը մուտքագրվի Ձեզ համար որպես բացառիկ հաջողությունների, ուրախությունների, ցանկությունների

իրականացման տարի:

Ջերմորեն շնորհավորում եմ նաեւ «Վրաստան» թերթի աշխատակազմին, ցանկանում նորանոր հաջողություններ եւ ընթերցողների հոծ բազմություն:

Շնորհակալություն հայտնում, որ թերթի միջոցով ինձ հնարավորություն է ընձեռված ամանորյա մաղթանքներս հղել երկրացիներին:

Դեկտեմբերի 29-ին՝ ամանորյա տոներին ընդառաջ, հետաքրքիր,

հեքիաթային ու տոնական էր Դամալայի հանրային դպրոցում: Միջոցառումները լրացնում էին մեկը մյուսին, որոնք բազմաբովանդակ էին, տոնական եւ հետաքրքրաշարժ:

Աշխարհում չկա մի մարդ, ով չսիրի այս տոնը: Ամանորին սպասում են բոլորը՝ հատկապես երեխաները: Դպրոցի աշակերտները եւ կազմակերպող ուսուցիչները այս միջոցառմանը պատրաստվել էին հաճույքով:

Երեխաները ցույց տվեցին իրենց գիտելիքներն ու կարողությունները: Ուրախ տրամադրությունը վարակել էր բոլորին:

Հնչում էր հայտնի հեքիաթներից փոքրիկ դրվագներ՝ ստեղծելով բարձր տրամադրություն:

Երեխաներն անչափ ուրախ էին, ուսուցիչներն ու ծնողները՝ երջանիկ:

Միջոցառումը հարազատ էր, սրտաբուխ եւ երեխաների կողմից սպասված:

Միջոցառումն ավարտվեց 12-րդ դասարանցիների բազմաբովանդակ ու հետաքրքրաշարժ «Դիմակահանդեսով», որտեղ համագործակցում էին ուսուցիչները, աշակերտներն ու ծնողները: Մեծ էր բոլորի խանդավառությունը եւ ոգեւորությունը:

**ՆԵԼԼԻ ԴՈՒԴՈՒԿՅԱՆ**  
**Ասպինձայի մունիցիպալիտետի**  
**Դամալայի հանրային**  
**դպրոցի տնօրեն**

(Սկիզբը՝ 6-րդ էջում)

ապրելու կամ բնակարան կառուցելու խնդրով առավել հարմար է զբաղվել տարվա երկրորդ կեսին:

Կարիերայում պահանջվում է ընտրել այն գործը, ինչով մտադիր եք լրջորեն զբաղվել: Հիմա հարմար չէ ձեռնածալ մատելը, գրոհեք ամենաբարձր գագաթները: Նոր նախագծերը հաջողությամբ կիրականանան առանձնապես աշնանը: Եկամուտների նվազումը չպետք է անհանգստացնի Աղեղնավորին. ձեզանից պահանջվում է բավարարվել տրվածով, այդ դեպքում միայն՝ կզա սպասված հաջողությունը:

Առողջական նորմալ վիճակը պահպանելուն կնպաստեն առողջ սննդակարգը եւ ֆիզիկական վարժությունները:

**ԱՅՏԵՂՅՈՒՐ - 22.12-19.01**



Տարին ձեզ համար բարդ է լինելու: Տարվա սկզբին կարելու է որոշակիանալ կյանքի սեփական ակնկալություններում: 2017-ի երկրորդ կեսը առավելապես կապված կլինի փորձությունների հետ, որոնց դուք արժանապատվորեն կդիմագրավեք եւ կհաղթեք: Աքլորի խորհուրդն է մեծ նշանակություն չտալ նյութականին. այժմ կարելու է ձեզ համար կյանքի հոգեւոր կողմն է: Հնարավոր եմ ֆինանսական դժվարություններ, փոխարենը՝ հաջողություն է սպասվում կարիերայում:

2017-ի առաջին ամիսները հարմար են բնակավայրի փոփոխության համար: Բացի

## ԱՄՏՂԵՐԸ ԳՈՒՇԱԿՈՒՄ, ԲԱՅՅ ԳԵՆ ՊԱՐՏԱԳՐՈՒՄ ՏԱՐԻՆ՝ ՏԱՍՆԵՐԿՈՒ ԴԵՄՔԵՐՈՎ

արտաքին տեղաշարժերից, Աղեղնավորը կունենա նաեւ ներքին աշխարհի բացահայտումներ. նա կսկսի մտածել մենակության եւ կյանքի մասին: Այս փորձություններում կարելու է լավատեսության պահպանումը, գլխավորը՝ չդաժանանալ եւ չկարծրանալ հոգեպես:

Անձնական կյանքը կընթանա չափավոր: Կա սպասված սերը, իր կյանքի ուղեկցին գտնելու շանսը: Որոշ ընտանիքներում կծնվեն մանուկներ: Կարիերայի տեսանկյունից 2017-ը նշանավոր տարի է, դուք ունեք առաջընթացի հնարավորություններ: Հին կամ նոր գործի առումով՝ բոլոր ձեռնարկումները կսպասվեն հաջողության: Դա առավել նկատելի կլինի աշնանը: Ֆինանսները բավարար են, բայց պահանջվում է դրանց խելացի տնօրենում եւ, ամենակարելու, սեւեռեք ձեր ուշադրությունը հոգեւոր զարգացմանը. այդ դեպքում, հեշտորեն կլուծվեն նաեւ նյութական հարցերը:

Առողջության պահպանման լավագույն միջոցներն են մարմնի կոփումը, սպորտը, յոգան, խելամիտ սննդակարգը:

**ՋՐՅՈՒ - 20.01-19.02**



2017 թվականը Ջրիոսից պահանջում է մատերիալիստական աշխարհից եւ սեփական եասիրությունից լիովին հրաժարում: Կենտրոնացեք

հոգեւոր զարգացման ուղղությամբ, ջանացեք առավելագույնս օգնել շրջապատողներին: Ջրիոսին անրաժեշտ է սովորել՝ վստահել աշխարհին, լինել բաց եւ փոխադարձ ազդեցությամբ օգնել դիմացինին, առանձնապես՝ սիրելի անձնավորությանը: Եթե ամեն ինչ ճիշտ անեք, ապա ձեռք կբերեք հիանալի հարաբերություններ: Ժամանակը իդեալական է կյանքի անցողիկության եւ ունայնության գիտակցման համար: Շատ կարելու է չճակատել շրջապատի հետ:

Անձնական կյանքում միայնակ Ջրիոսներին Աքլորը խորհուրդ է տալիս չվանել իրենից նրան, ով կհայտնվի ճակատագրի բերումով, որքան էլ այդ մարդը տարօրինակ թվա:

Աշխատանքային եւ բիզնեսի մեծ հաջողություններ են սպասվում աշնանը: Դուք շանսեր կունենաք բարձրացնել ձեր կարգավիճակը, հասնել շրջապատի հարգանքին: Ձեր ցանկացած եւ ամենալուրջ ծրագրերը հաջողությամբ կիրականանան առանձնապես աշնանը: Տարվա երկրորդ կեսին կտրվի զգալի վաստակի հնարավորություն, նույնիսկ կհաջողվի գումար ետ գցել: Եվ դրանով իսկ, կհաղթահարվի նյութական ճգնաժամը:

Առողջության ոլորտում Աքլորը զգուշացնում է չձանրաբեռնել աչքերը: Լավ արդյունքներ կտա յոգայով զբաղվելը: Ընդհանուր առմամբ, Ջրիոսի առողջությանը ոչինչ չի սպառնում:

**ԶԿՆԵՐ - 20.02-20.03**



նություն կզգաք: Աքլորը խորհուրդ է տալիս մնալ այնպիսին, ինչպիսին կաք, բայց, դրանով հանդերձ, հաշվի առնել շրջապատողների ցանկությունները: Անհրաժեշտ է հասնել ընդհանուրի հետ փոխհամաձայնության:

Անձնական հարաբերություններում պահանջվում է զիջողականություն, զուգընկերոջն ընդառաջելու ցանկություն եւ համատեղ գործեր անելու ձգտում:

2017-ի երկրորդ կեսին կլավանան եւ կամրապնդվեն կապերը ծնողների, ազգականների հետ:

Նրանք, ովքեր աշխատանք են փնտրում, կունենան խոչընդոտներ: Եթե նույնիսկ աշխատանքը գտնվի, պետք չէ նրա հետ մեծ հույսեր կապել: Այս խնդիրը բարեհաջող կլուծվի տարվա վերջին միայն: Ամենօրյա պարտականությունները կհազեցնեն Ձկնեթի առօրյան: Ֆինանսները բավարար են եւ թույլ կտան աշնանը բնակարանի բարեփոխման ուղղությամբ իրականացնել մեծ ծախսեր:

Տարին առողջական պլանում կլինի չեզոք: Նրա ամրապնդման համար հրաժարվեք վնասակար սովորույթներից՝ ծխելուց, ալկոհոլից:

**Պատրաստեք ՋՈՒԼԻԵՏԱ ԲԱՂԱՅԱՆԸ**

2017-Ը

# «ՎՐԱՍՏԱՆԻ»

## ՀԵՏ



|       | ՀՈՒՆՎԱՐ |    |    |    |    | ՓԵՏՐՎԱՐ |    |    |    |    | ՄԱՐՏ |    |    |    |    | ԱՊՐԻԼ |    |    |    |    | ՄԱՅԻՍ |    |    |    |    | ՀՈՒՆԻՍ |   |    |    |    |    |
|-------|---------|----|----|----|----|---------|----|----|----|----|------|----|----|----|----|-------|----|----|----|----|-------|----|----|----|----|--------|---|----|----|----|----|
| Երկ.  | 2       | 9  | 16 | 23 | 30 |         | 6  | 13 | 20 | 27 |      | 6  | 13 | 20 | 27 | 3     | 10 | 17 | 24 | 1  |       | 8  | 15 | 22 | 29 |        | 5 | 12 | 19 | 26 |    |
| Երք.  | 3       | 10 | 17 | 24 | 31 |         | 7  | 14 | 21 | 28 |      | 7  | 14 | 21 | 28 | 4     | 11 | 18 | 25 | 2  |       | 9  | 16 | 23 | 30 |        | 6 | 13 | 20 | 27 |    |
| Չրք.  | 4       | 11 | 18 | 25 |    | 1       | 8  | 15 | 22 |    | 1    | 8  | 15 | 22 | 29 | 5     | 12 | 19 | 26 | 3  |       | 10 | 17 | 24 | 31 |        | 7 | 14 | 21 | 28 |    |
| Հինգ. | 5       | 12 | 19 | 26 |    | 2       | 9  | 16 | 23 |    | 2    | 9  | 16 | 23 | 30 | 6     | 13 | 20 | 27 | 4  |       | 11 | 18 | 25 |    | 1      | 8 | 15 | 22 | 29 |    |
| Ուրբ. | 6       | 13 | 20 | 27 |    | 3       | 10 | 17 | 24 |    | 3    | 10 | 17 | 24 | 31 | 7     | 14 | 21 | 28 | 5  |       | 12 | 19 | 26 |    | 2      | 9 | 16 | 23 | 30 |    |
| Շաբ.  | 7       | 14 | 21 | 28 |    | 4       | 11 | 18 | 25 |    | 4    | 11 | 18 | 25 |    | 1     | 8  | 15 | 22 | 29 | 6     |    | 13 | 20 | 27 |        | 3 | 10 | 17 | 24 |    |
| Կիր.  | 1       | 8  | 15 | 22 | 29 |         | 5  | 12 | 19 | 26 |      | 5  | 12 | 19 | 26 |       | 2  | 9  | 16 | 23 | 30    | 7  |    | 14 | 21 | 28     |   | 4  | 11 | 18 | 25 |

|       | ՀՈՒՆԻՍ |    |    |    |    | ՕԳՈՍՏՈՍ |    |    |    |    | ՍԵՊՏԵՄԲԵՐ |   |    |    |    | ՀՈԿՏԵՄԲԵՐ |    |    |    |    | ՆՈՅԵՄԲԵՐ |    |    |    |    | ԴԵԿՏԵՄԲԵՐ |   |    |    |    |    |    |
|-------|--------|----|----|----|----|---------|----|----|----|----|-----------|---|----|----|----|-----------|----|----|----|----|----------|----|----|----|----|-----------|---|----|----|----|----|----|
| Երկ.  | 3      | 10 | 17 | 24 | 31 |         | 7  | 14 | 21 | 28 |           | 4 | 11 | 18 | 25 | 2         | 9  | 16 | 23 | 30 |          | 6  | 13 | 20 | 27 |           | 4 | 11 | 18 | 25 |    |    |
| Երք.  | 4      | 11 | 18 | 25 |    | 1       | 8  | 15 | 22 | 29 |           | 5 | 12 | 19 | 26 | 3         | 10 | 17 | 24 | 31 |          | 7  | 14 | 21 | 28 |           | 5 | 12 | 19 | 26 |    |    |
| Չրք.  | 5      | 12 | 19 | 26 |    | 2       | 9  | 16 | 23 | 30 |           | 6 | 13 | 20 | 27 | 4         | 11 | 18 | 25 |    | 1        | 8  | 15 | 22 | 29 |           | 6 | 13 | 20 | 27 |    |    |
| Հինգ. | 6      | 13 | 20 | 27 |    | 3       | 10 | 17 | 24 | 31 |           | 7 | 14 | 21 | 28 | 5         | 12 | 19 | 26 |    | 2        | 9  | 16 | 23 | 30 |           | 7 | 14 | 21 | 28 |    |    |
| Ուրբ. | 7      | 14 | 21 | 28 |    | 4       | 11 | 18 | 25 |    | 1         | 8 | 15 | 22 | 29 | 6         | 13 | 20 | 27 |    | 3        | 10 | 17 | 24 |    | 1         | 8 | 15 | 22 | 29 |    |    |
| Շաբ.  | 1      | 8  | 15 | 22 | 29 |         | 5  | 12 | 19 | 26 |           | 2 | 9  | 16 | 23 | 30        | 7  | 14 | 21 | 28 |          | 4  | 11 | 18 | 25 |           | 2 | 9  | 16 | 23 | 30 |    |
| Կիր.  | 2      | 9  | 16 | 23 | 30 |         | 6  | 13 | 20 | 27 |           | 3 | 10 | 17 | 24 |           | 1  | 8  | 15 | 22 | 29       |    | 5  | 12 | 19 | 26        |   | 3  | 10 | 17 | 24 | 31 |

**ՀՈՒՆՎԱՐ.** 1, 2 - Նոր տարի, 7 - Սուրբ Ծնունդ, 19 - Ջրօրհներ: **ՄԱՐՏ.** 3 - Մայրության օր, 8 - Կանանց միջազգային օր: **ԱՊՐԻԼ.** 9 - Վրաստանի ազգային միասնության օր, 14 - Կարմիր ուրբաթ, 16 - Սուրբ Ջատիկ, 17 - Հանգուցյալների հիշատակի օր: **ՄԱՅԻՍ.** 9 - Հաղթանակի օր, 12 - Սուրբ Անդրեաս Առաքյալի հիշատակի օր, 26 - Վրաստանի պետական անկախության վերականգնման օր: **ՕԳՈՍՏՈՍ.** 28 - Մարիամոբա: **ՀՈԿՏԵՄԲԵՐ.** 14 - Մցխեթոբա: **ՆՈՅԵՄԲԵՐ.** 23 - Գիորգոբա:

Հայ Առաքելական եկեղեցու տաղավար տոները, որոնք Հայաստանում ոչ աշխատանքային օրեր են: **ՀՈՒՆՎԱՐ.** 5 - Ճրագալույցի տոն, 6 - Սուրբ Ծնունդ եւ Աստվածհայտնության տոն (Ջրօրհներ), 7 - Հանգուցյալների հիշատակի օր: **ԱՊՐԻԼ.** 14 - Կարմիր ուրբաթ, 16 - Սուրբ Ջատիկ, 17 - Հանգուցյալների հիշատակի օր, 24 - Ցեղասպանության զոհերի հիշատակի օր: **ՀՈՒՆԻՍ.** 27 - Պայծառակերպություն, 28 - Հանգուցյալների հիշատակի օր: **ՕԳՈՍՏՈՍ.** 17 - Վերափոխում, 18 - Հանգուցյալների հիշատակի օր: **ՍԵՊՏԵՄԲԵՐ.** 13 - Խաչվերաց, 14 - Հանգուցյալների հիշատակի օր:

Խմբագիր՝  
ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105  
Գ.Աթոնելի փ. 5 հեռ. 2990-739, 2990-774  
www.vrastan.ge  
E-mail: vrastan@caucasus.net

Գրանցման վկայական  
№ 4 4 - 1439  
«ԿՈԼՈՐ» հրատարակչություն

“ВРАСТАН”  
Тбилиси, Грузия  
«VRASTAN»  
Georgia, Tbilisi  
Индекс 66445